

SLUŽBENE NOVINE FEDERACIJE BIH br. 17/10 od 31. 03. 2010. godine

Na osnovu člana 9. stav 1. Zakona o izmirenju obaveza po osnovu računa stare devizne štednje u Federaciji Bosne i Hercegovine ("Službene novine Federacije BiH", broj 62/09) i člana 24. stav 2. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", broj 86/07 i 24/09), Vlada Federacije Bosne i Hercegovine, na 138. sjednici održanoj 24. marta 2010. godine, donosi

ODLUKU

O DRUGOJ EMISIJI OBVEZNICA FEDERACIJE BOSNE I HERCEGOVINE ZA IZMIRENJE OBAVEZA PO OSNOVU VERIFIKOVANIH RAČUNA STARE DEVIZNE ŠTEDNJE

I

Radi izmirenja obaveza Federacije Bosne i Hercegovine, (u daljem tekstu: Federacija), po osnovu verifikovanih računa stare devizne štednje, Federacija će emitovati obveznice stare devizne štednje, (u daljem tekstu: obveznice), u skladu sa ovom Odlukom.

Iznos emisije obveznica iz stava 1. je 42.067.330 KM.

Iznos iz stava 2. predstavlja sumu pojedinačnih verifikovanih iznosa, umanjenih za isplaćene gotovinske isplate i poslije otpisa iznosa u feninzima za svakog povjerioca.

II

Obveznica je u nematerijalizovanom obliku i vodi se, čuva i prenosi kao elektronski zapis na računu vrijednosnih papira u informacionom sistemu Registra vrijednosnih papira u Federaciji Bosne i Hercegovine (u daljem tekstu: Registar) i imaocu daje pravo naplate glavnice i kamata.

Osnovni elementi obveznica iz tačke I ove Odluke su:

- 1) Emitent: Federacija;
- 2) Naziv emisije: obaveze po osnovu verifikovanih računa stare devizne štednje;
- 3) Nominalna vrijednost emisije: 42.067.330 KM;
- 4) Vrsta obveznica: dugoročna obveznica sa kamatnim prinosom, neograničeno prenosiva, u nematerijalizovanom obliku, na ime;
- 5) Nominalna vrijednost jedne obveznice: jedna konvertibilna marka;
- 6) Tip emisije: primarna emisija;
- 7) Redni broj emisije: druga emisija;

- 8) Broj emitovanih obveznica: 42.067.330;
- 9) Druga emisija će biti emitovana u šest serija sa oznakama: Serija A, Serija B, Serija C, Serija D, Serija E i Serija F.
- 10) Podaci o vlasniku obveznice: naziv, sjedište i jedinstveni identifikacioni broj za pravno lice, ime i prezime i jedinstveni matični broj za fizičko lice, odnosno identifikacioni broj za strana fizička i pravna lica;
- 11) Datum druge emisije: 31.03.2010. godine;
- 12) Rok dospjeća: šest godina od dana emisije;
- 13) Kamatna stopa: fiksna, 2,5% godišnje, računa se na ostatak glavnice uz primjenu linearnog modela obračuna kamate.

III

Obveznice nose kamatu na glavnice po kamatnoj stopi 2,5% godišnje i koja se obračunava polugodišnje.

Vlasnik obveznice ima pravo na pripadajući dio glavnice i kamate obračunate na preostali dio glavnice u polugodišnjim periodima.

Prvo dospjeće kamate, te obveznica Serije A u iznosu od 5.889.580 KM je 30.09.2010. godine, za period od (ne uključujući datum emisije) 31.03.2010. godine do (uključujući) 30.09.2010. godine.

Sljedeće glavnice i kamate dospjevaju prema sljedećem planu:

- Dospjeće glavnice: obveznice Serije B u ukupnom iznosu od 8.833.984 KM dospjevaju 30.09.2011. godine, obveznice Serije C u ukupnom iznosu od 5.049.044 KM dospjevaju 30.09.2012. godine, obveznice Serije D u ukupnom iznosu od 5.046.095 KM dospjevaju 30.09.2013. godine, obveznice Serije E u ukupnom iznosu od 5.046.549 KM dospjevaju 30.09.2014. godine i obveznice Serije F u ukupnom iznosu od 12.202.078 KM dospjevaju 30.09.2015. godine.
- Dospjeće kamate: 31.03.2011. godine, 30.09.2011. godine, 31.03.2012. godine, 30.09.2012. godine, 31.03.2013. godine, 30.09.2013. godine, 31.03.2014. godine, 30.09.2014. godine, 31.03.2015. godine i 30.09.2015. godine.

IV

Kamatu, odnosno glavnice Federalno ministarstvo finansija-Federalno ministarstvo financija, (u daljem tekstu: Ministarstvo), isplaćuje na dan dospjeća, a najkasnije u roku od 30 dana od dana dospjeća, prenosom sredstava na račun vlasnika obveznice.

Kamate iz tačke III stav 4. ove Odluke obračunavaju se polugodišnje.

Isplata se vrši u skladu sa sljedećim otplatnim planom:

Datum	Nominalna vrijednost	Preostali dio nominalne vrijednosti	Stopa otplate	Isplata glavnice	Isplata kamate	Isplata anuiteta
1	2	3	4	5	6	7
30.09.2010.	42.067.330	36.177.750	14,00%	5.889.580	525.841,63	6.415.421,63
31.03.2011.	42.067.330			0	452.221,88	452.221,88
30.09.2011.	42.067.330	27.343.766	21,00%	8.833.984	452.221,88	9.286.205,88
31.03.2012.	42.067.330			0	341.797,08	341.797,08
30.09.2012.	42.067.330	22.294.722	12,00%	5.049.044	341.797,08	5.390.841,08
31.03.2013.	42.067.330			0	278.684,03	278.684,03
30.09.2013.	42.067.330	17.248.627	12,00%	5.046.095	278.684,03	5.324.779,03
31.03.2014.	42.067.330			0	215.607,84	215.607,84
30.09.2014.	42.067.330	12.202.078	12,00%	5.046.549	215.607,84	5.262.156,84
31.03.2015.	42.067.330			0	152.525,98	152.525,98
30.09.2015.	42.067.330	0	29,00%	12.202.078	152.525,98	12.354.603,98

V

U slučaju neplaćanja kamate, odnosno glavnice u roku dužem od 30 dana od dana njihovog dospijea, Ministarstvo će platiti zakonsku zateznu kamatu obračunatu od dana dospijea kamate, odnosno glavnice pa do isplate.

VI

Sredstva za izmirenje obaveza po ovoj emisiji obezbjeđuju se iz buxeta Federacije.

VII

Obveznice predstavljaju apsolutnu i bezuslovnu obavezu Federacije, međusobno su ravnopravne i najmanje su u istom rangu sa svim drugim sadašnjim i budućim obavezama za čije izvršenje sredstva obezbjeđuje Federacija, u skladu sa Zakonom o izmirenju obaveza po osnovu računa stare devizne štednje u Federaciji Bosne i Hercegovine, Zakonom o dugu, zaduživanju i garancijama u Federaciji Bosne i Hercegovine i drugim propisima.

Federacija može, u bilo koje vrijeme, otkupiti obveznice po bilo kojoj cijeni na tržištu ili na drugi način, pod uslovom da, u slučaju kupovine javnom ponudom, takva ponuda bude jednako dostupna svim vlasnicima obveznica.

Ni vlasnik obveznice, niti bilo koje drugo pravno ili fizičko lice, ne može obveznice proglasiti plativim prije roka njihovog dospijea odnosno ne može tražiti njihov prijevremeni otkup, osim u slučaju iz stava 2. ove tačke.

VIII

Obveznice ne podliježu propisima i odobrenju Komisije za vrijednosne papire Federacije Bosne i Hercegovine (u daljem tekstu: Komisija).

Ministarstvo će o emisiji obveznica obavijestiti Komisiju u roku od sedam dana od dana donošenja ove Odluke.

IX

Poslove po osnovu emisije obveznica obavlja Ministarstvo.

Vlada Federacije, na prijedlog Ministarstva, može odrediti agenta za pružanje usluga po osnovu emisije obveznica.

X

Upis obveznica u informacioni sistem Registra, vrši se na osnovu naloga Ministarstva koje će sa Registrom prethodno zaključiti ugovor o vođenju obveznica.

XI

Pravo vlasništva nad obveznicama stiče se danom upisa obveznica kod Registra na račun vlasnika obveznice.

XII

Registar će, na osnovu ove Odluke, kao i naloga za upis obveznica u informacioni sistem Registra, registrovati i čuvati obveznice, čuvati podatke o obveznicama i svim transakcijama u pogledu prenosa vlasništva ili promjene statusa obveznica, otvoriti i voditi račune vlasnika obveznica, izvršiti registraciju i čuvati podatke o sticanju prava vlasništva i pravima iz obveznica, te izdavati izvještaje, izvode i potvrde o stanju i promjenama na računima vlasnika obveznica, te obavljati druge poslove u skladu sa propisima koji uređuju tržište vrijednosnih papira, propisima Registra i ugovorom zaključenim sa Ministarstvom.

XIII

Registar je dužan da obavijesti Sarajevsku berzu/burzu d.d. Sarajevo (u daljem tekstu: SASE) o registraciji obveznica.

Na osnovu izvještaja Registra, obveznice emitovane u skladu sa ovom Odlukom uvrštavaju se na berzansko tržište SASE.

Trgovina obveznicama na berzanskom tržištu obavlja se u skladu sa propisima kojima se uređuje trgovanje vrijednosnim papirima.

Cijena obveznica, uvrštenih na berzansko tržište SASE, baziraće se na tzv. čistoj cijeni, tj. neće obuhvatati stečenu kamatu.

XIV

Sredstva na ime kamate i glavnice obveznica isplatiće se na račun vlasnika obveznica, bez odbitka na ime naknade ili drugih troškova.

XV

Prihodi od kamata i kapitalne dobiti po osnovu obveznica neće se oporezivati.

XVI

Za realizaciju ove Odluke zadužuje se Ministarstvo.

XVII

Ova Odluka stupa na snagu narednog dana od dana objavljivanja u "Službenim novinama Federacije BiH".

V broj 192/10
24. marta 2010. godine
Sarajevo

Premijer
Mustafa Mujezinović, s. r.